

2 di mei 2014


Bin conoce e album nobo di Datapanik 'Fuente'

Ken ta Datapanik? Nan a introduci nan mes na Aruba na aña 1999 caminda cu compositor y cantante Michael Lampe a lansa su prome album yama 'Robot'. Un gran exito di e album aki

tawata 'Some Caribbean Music'. Despues di algun tempo a saca e di dos album yama 'Tropical Manoeuvres' cu e exito 'Riba un Sero'. E cancion aki ainda ta un di e faborito nan pa hopi y

ta wordo uza hopi pa promove Aruba internacionalmente. E di 3 album cu a sali tawata 'Grand Cylinder' unda cu pa prome biaha e caha di orgel a wordo uza haciendo esaki un

instrumento importante den nan produccion y nan zonido. Datapanik a sigui cu nan pasion y a saca nan di 4 album yama 'Cunucu Rave' cu e exitonan 'Pal'I Coco', 'Cunucu Rave', y



'Den un Rosea'. Banda di e exito di nan musica, Datapanik a sa di pone un tremendo proyecto ariba pia cu a haya hopi atencion, treciendo Aruba su rum shop nan den noticia, yama 'Route to Rumshop'. Akinan tur siman a toca turno na un di e rum shop nan di Aruba pa ricibi un presentacion di entre otro Datapanik pero como tambe otro artistanan local. Ademas di esaki no por keda sin menciona e ultimo dos presentacionnan di Datapanik cu sigur a haci un impacto fuerte. Un di nan tawata durante Royal Night na Bushiribana dunando un presentacion na Rey y Reina. Despues a presenta un biaha mas pa famia Real na Hulanda en conexion cu e di 200 aña di existencia di Reino.

Datapanik ta un grupo di musico hoben y local cu ta comparti un pasion esta 'musica'. Nan ta un agrupacion cu ta wordo asocia cu cultura di Aruba cu un toke Caribense pa e zonido cu nan ta presenta den nan produccionnan. Esaki ta e caso tambe cu nan album nobo cu a wordo inspira pa nos tambu y caha di orgel. E number di e album aki yama 'Fuente', cual ta number di un di su exitonan tambe hunto cu 'Raiz'. E album aki tin 10 cantica nobo riba dje y ta obtenibel ya caba via itunes na <http://www.itunes.apple.com/nl/album/fuente>. E video di promocion, cu por sierto por wordo mira ariba e Facebook page di Datapanik na [facebook.com/datapanikofficial](https://www.facebook.com/datapanikofficial), a wordo traha pa Ken Wolff. Pronto lo sali un documentario yama 'Fuente di Inspiracion' na Papiamento cu lo muestra mas di loke a inspira e album 'Fuente'. Ya caba por haya un sabor di e documentario aki ariba [facebook.com/fuenediinspiracion](https://www.facebook.com/fuenediinspiracion).

